

# 《佛說阿彌陀經要解》 補充講表

◎附表十：糅合《彌陀經要解講義》、《彌陀經要解親聞記》、《阿彌陀經要釋》

○淨土妙門，不可思議，無人能問，佛自唱依正名字，∴智者判作發起序，例可知也。

◆此為別序，乃發起一經之緣由，與諸部經各別，故名別序；又稱發起序也。法不孤起，起必有由。他經多為弟子發起，請問而說。此經乃無問自說，以淨土妙門，無人能問，法門何以稱妙？以但持六字洪名，即得三界橫超；念佛為因，而得成佛之果，非大眾智力所能知能問，故曰：不可思議。無人能問，乃自唱依報極樂世界，正報阿彌陀佛，二種名字，以為發起也。唱者，宣也。佛智下，明發起此經之因緣也。如《梵網》下引例。經云：【我今盧舍那，方坐蓮華臺。周匝千華上，復現千釋迦】等。智者大師，判此段偈，作發起序。故此經雖無發起文，例智者大師，判《梵網》意，故判此文為發起序也。

○絕待圓融，不可思議。圓收圓超一切法門，甚深難信。

○絕待：離能所、對待。圓融：乃性相（理事）圓通融洽。請參考附表六第四頁。

※蓮池大師於《彌陀疏鈔》云：「託彼名號（西方依正），顯我自心。」

※《大乘起信論裂網疏》卷第五云：「問：但離心垢，便見法身，何須念佛、觀佛、稱名、

禮拜等？答：佛是先證我心性者，念之、觀之、稱之、禮之，皆是除心垢之妙方便也。」

○橫互：指綿延橫列或橫跨、跨越之意。【互】ㄍㄍノ，是時間或空間延續不斷之意。

○佛土者，三千大千世界：須彌山（此云妙高，純是四寶所成，高八萬四千由旬），外有七金山，七香水海，次第相間，圍繞須彌，如七重城塹，次第圍旋，第七山之外，即大鹹水海，瀾漣四方於須彌，四面鹹水海中，浮四大洲，在東曰：東勝身洲。在南曰：南瞻部洲（名閻浮提，此云勝金，是樹名，洲有此樹，樹汁入水，沙石成金，超勝餘金，從樹立名，人壽百歲以下，現在我等所居，即南瞻部洲也。以世界現在的五大洲推之，乃南瞻部洲中，百千小洲之一小洲而已）。在西曰：西牛貨洲。在北曰：北俱盧洲。

◆因三次言千，故說：三千大千世界。約豎言則謂三界（欲界色界無色界），約橫言則謂大千，此為一佛之化土也。

○然佛土有四，各分淨穢。凡聖同居土：五濁重者穢，五濁輕者淨。

◆土尚無一，云何有四？因眾生無明有輕重，故感四土之別也。五濁有輕重，故感土有淨穢。先明同居淨穢之相：五濁者，性水本清，因塵勞而成濁。塵勞無體，依性水而有。

◆輕重分淨穢者：娑婆總是穢，因為苦空無常故，而極樂總是淨。

○方便有餘土：析空拙度，證入者穢。體空巧度，證入者淨。

◆此段辨方便有餘土淨穢之相。方便者，是佛權巧方便而設，是為化城，中途暫住之所，名有餘涅槃，非究竟寶所，無餘涅槃也。藏教阿羅漢，辟支佛所證；通教三乘，別教三賢，圓教十信，已斷見思煩惱，未破無明者，亦寄居於此。

析空：從諸法因緣生、因緣滅，而減色取空。

體空：體達一切法，緣生無性，當體即空（所謂色即是空）。

○實報無障礙土：次第三觀證入者穢，一心三觀證入者淨。

◆此段辨實報無障礙土淨穢之相。實報者，真實果報土；種種莊嚴，無障無礙。又名實報莊嚴土。乃別教十地，等覺、妙覺，圓教初住至等覺，四十一位法身大士所居。

◆次第三觀：指別教所修三觀，次第而入，先空、次假、後中。謂十信修析空觀，伏見思惑；十住修體空觀，斷見思惑；十行修假觀，破塵沙惑；十回向修中觀，伏無明惑；初地修中觀。破一品無明，證一分法身，始入實報土。

◆一心三觀：乃圓教菩薩所修，觀一念之心即空、即假、即中，是謂圓修三觀。此觀若成，則能圓斷三惑，圓證三德。即破一品無明，證一分三德，而入實報土。

○常寂光土：分證者穢，究竟滿證者淨。（此土乃如來所居。）

◆若約別教妙覺，但斷十二品無明，無明未盡，是為分證者穢。若論究竟滿證，乃圓教妙覺，盡無明源，究竟清淨圓滿之大覺。